



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

DCXC. Die Stadt Stendal antwortet auf die Frage wegen der Aufnahme von  
Juden dem Markgrafen ausweichend, am 31. Dezember 1453.

---

---

**Nutzungsbedingungen**

[urn:nbn:de:hbz:466:1-54934](#)

DCXC. Die Stadt Stendal antwortet auf die Frage wegen der Aufnahme von Juden <sup>XXI</sup>  
dem Markgrafen ausweichend, am 31. Dezember 1453.

Vnsen vnderdanigen willigen dinst vnde wes wy gudes vormogen alle tyd In Juwer gnaden touorn. Irluchtige hochgeboren furste, gnedige liue here. So vns Juwe gnade ouer von den saken, als van der Joden wegin, de wy Juwer gnaden itzund durch manne vnde Stede aue geschreuen hebben, Begerende. wy Juwer gnaden broder, Juw vnde Juwe herschopp by sodanner fryheytt, gerechticheyt vnde gewonheytt. Als juwer gnaden feliger vader vnde ander juwer gnaden brüder gewesen sin, muchten laten bliuen etc. Begerende juwer gnaden weddir to schryuende eyn eddir ander, estt wy deme ok so don willen etc. geschreuen hefft; Sodanne juwer gnaden briif hebben wy gutlike entfangen vnde to guder matben wol vorstanden vnde Bidden juwer gnaden dar vpp demodichliken weten, dat wy vngerne juwer gnaden vnde der herschopp fryheytt, gerechticheyt vnde gute gewonheytt krenken wolden, Sunder met liue vnde gute met gantzer truwen, wan juwe gnade des van vns begerende were, nach all vnser vermoge helpen, beschermen vnde vordedingen. Sunder wy en konen juwer gnaden van der Joden wegin anders nicht, wen alle juwer gnaden manne vnde Stede huden van vnsir wegin vor antwerde gegeuen hebben, uerschriuen vnde Bidden demodichliken, juwe gnade wil des van vns vor neynen vnuwillen vppnehmen. Dat willen wy jegin juwer fursuliken alle tyd, war mede wy mogen, gerne vordynen. Schreuen vnder juwer gnaden Stad Secreto, am mandage Siluestri pape, Anno domini etc. L quarto.

Radmanne to Stendall.

Deme Irluchtigdem hochgeboren flursten vnde heren,  
heren ffreddericke deme Jungeren, marggra-  
uen to Brandenborgh etc., vnsen gnedigen liuen  
heren.

Nach dem Orig. des Geh. Staatsarchives.

DCXCI. Nochmalige Anfrage des Markgrafen an die Stadt Stendal, ob sie in der Judensache  
bei ihrer Widerseßlichkeit beharren wolle, vom 1. Januar 1454.

Vnsen gunstigen grut touorn, liuen getruwen. So gy vnsis juwe antworde vppe vnsen lesten  
breff Itzunt wedder geschicket hebben etc. Also konnen wy eigentliken juwe meyninge vth sodanner  
antworde nicht vns woll vornehmen, hirumme Begeren wy noch fragewys von juw, estt gy  
ok vns vnd vnse herschapp darby willen laten, dar ynse feliger vader vnd ander vnse Brudere by  
gewesen sin, vnd vns sodanns eigentliken by dessem geinwordigen wedderschriuen, darna wy vns  
mogen weten to richten. Geuen to Tangermunde, ame dingstage In des hilligen Nigen Jars  
dage, Anno etc. LIII<sup>o</sup>.

Nach dem Concepce des Geh. Staatsarchives.